

**EXCMA. DEPUTACIÓN PROVINCIAL DE LUGO**

**Área de Deportes, Artesanía e Deseño e Memoria Histórica. SERVIZO DE DEPORTES**

BASES DA CONVOCATORIA DA ÁREA DE DEPORTES, ARTESANÍA E DESEÑO E MEMORIA HISTÓRICA DA DEPUTACIÓN DE LUGO QUE REXERÁN A CONCESIÓN DE PREMIOS PARA DEPORTISTAS INDIVIDUAIS DA PROVINCIA DE LUGO, DISCIPLINA AUTOMOBILISMO, ESPECIALIDADE RALLY DE ASFALTO, TERRA OU MONTAÑA E VEHÍCULOS HISTÓRICOS NA ANUALIDADE 2021

Para impulsar a práctica deportiva, a Presidencia da Deputación, a través da Área de Deportes, Artesanía e Deseño e Memoria Histórica, convoca premios para a promoción e difusión do deporte, sendo consciente das dificultades dos e das deportistas lucenses de modalidades individuais, –especialmente nas etapas de iniciación– para progresaren na súa formación integral.

Nesa perspectiva é na que se insire o presente programa de premios a deportistas individuais, de conformidade co disposto na Lei 38/03, de 17 de novembro, xeral de subvencións, e na Lei 9/07, de 13 de xuño, de subvencións de Galicia e na Ordenanza Xeral de Subvención da Deputación de Lugo.

**PRIMEIRO.– OBXECTO**

Constitúe o obxecto desta convocatoria a ordenación do procedemento aplicable para o outorgamento de premios para deportistas individuais da provincia de Lugo, anualidade 2021, destinados a deportistas individuais da disciplina automobilismo, especialidade rally de asfalto, terra ou montaña e vehículos históricos.

**RÉXIME DA CONVOCATORIA**


Os premios para deportistas individuais da provincia de Lugo pilotos de rally de asfalto, terra e montaña e vehículos históricos, na anualidade 2021, articularanse na modalidade premios código instrumento axuda SUBV) sen contraprestación en réxime de concorrencia competitiva, encadrada dentro do sector económico das actividades deportivas (código sector económico 93.1) cunha finalidade de promoción deportiva (código finalidade 18), con previsión dunha diminución ou eliminación das desigualdades detectadas e que contribúa aos obxectivos das políticas de igualdade (código do impacto de xénero 3).

Pódese consultar a Ordenanza Xeral de Subvencións da Deputación de Lugo na web desta entidade local, en concreto na seguinte dirección:

<http://run.gob.es/owqlth>

**SEGUNDO.– DESTINATARIOS**

Poderán ser beneficiarios/as dos premios da presente convocatoria as persoas físicas que sexan deportistas federados nalgunha das federacións oficiais de automobilismo, de calquera categoría, e exclusivamente de modalidades de rally de asfalto, terra e montaña e vehículos históricos, de nacionalidade española ou residentes legais en España, que cumpran cos seguintes requisitos:

	IV7EYXXIZEP5KUMWI7UFYIVMI	<b>Fecha y Hora</b>	13/07/2021 11:25:59	
<b>Normativa</b>	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.			
<b>Firmado por</b>	XOSÉ MANUEL BECERRA PARDO (RESPONSABLE SERVICIO, XEFE, COORDINADOR/A)			
<b>Url de verificación</b>	<a href="https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI">https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI</a>	<b>Página</b>	1/13	

**A. REQUISITOS PERSOAIS**

- Ter residencia en calquera dos municipios da provincia de Lugo, e por tanto, estar empadroad/a nalgún municipio da provincia de Lugo, dentro do prazo de presentación de solicitudes .
- Posuír licenza/ficha federativa de piloto durante o ano 2020 e manter na data de presentación de solicitudes (ano 2021) licenza/ficha federativa oficial, na disciplina e/ou modalidade para a que solicita o premio.
- Estar ao corrente nas obrigas tributarias coa Facenda estatal e autonómica, así como estaren ao corrente das obrigas coa Seguridade Social e coa Deputación Provincial.
- Os establecidos no artigo 13 da Lei xeral de subvencións e aplicables no presente caso.
- Non estar cumprindo sanción firme por infracción disciplinaria ou administrativa en materia deportiva, cualificada como grave ou moi grave.

**B. REQUISITOS DEPORTIVOS.**

Para poder ser beneficiario/a do premio, o/a deportista individual (piloto/a) deberá acreditar mediante a respectiva certificación federativa o cumprimento do requisito de ter participado en competicións oficiais e federadas durante a temporada 2020, de acordo cos seguintes criterios:

1.- Acreditar a participación, como mínimo, en unha (1) das seguintes probas oficiais federadas da provincia de Lugo durante a anualidade 2020:

- Rally San Froilán
- Rallye da Mariña Lucense
- Subida Á Pontenova

2.- Ou ben, de non cumprir o requisito anterior, acreditar a participación, como mínimo, en unha (1) proba de carácter oficial e federado, durante a anualidade 2020, de acordos aos calendarios oficiais da Federación galega de automobilismo ou da Federación española de automobilismo

Establécese como tempada o período que vai desde o 1 de xaneiro de 2020 até o 31 de decembro do 2020. Estes premios non serán compatíbeis con outras axudas públicas da Deputación de Lugo para a mesma finalidade.


Os premios regulados na presente convocatoria concederanse en réxime de concorrencia competitiva e baixo os principios de obxectividade, transparencia, igualdade, non discriminación, eficacia e eficiencia.

O logro e consecución dos postos e méritos deportivos indicados neste punto como requisitos deportivos para poder ser beneficiario de premio, deberá estar expresamente indicado na respectiva certificación federativa. De non reflectirse expresamente tal circunstancia na correspondente certificación, entenderase que non cumpre o requisito indicado.

**TERCEIRO.- MODALIDADES E GRUPOS**

As modalidades de rally de asfalto, montaña e terra e vehículos históricos que exclusivamente se considerarán válidas para a acreditación dos requisitos deportivos reflectidos no punto 2.B, durante a temporada 2020 de rally de asfalto, terra ou montaña e vehículos históricos e optar o premio, son as seguintes:

	IV7EYXXIZEP5KUMWI7UFYIVMI	<b>Fecha y Hora</b>	13/07/2021 11:25:59
<b>Normativa</b>	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
<b>Firmado por</b>	XOSÉ MANUEL BECERRA PARDO (RESPONSABLE SERVICIO, XEFE, COORDINADOR/A)		
<b>Url de verificación</b>	<a href="https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI">https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI</a>	<b>Página</b>	2/13



## MODALIDADES

- **CAMPIONATO INTERNACIONAL. CAMPIONATO DE ESPAÑA 2020**

- a) RALLY DE ASFALTO
- b) RALLY DE TERRA
- c) MONTAÑA

(Válidos todos os grupos establecidos pola Federación Española para este tipo de modalidades dentro do Campionato Internacional/Nacional de rallys de asfalto, terra e montaña, agás os grupos pertencentes as modalidades expresamente excluídas )

- **CAMPIONATO AUTONÓMICO GALEGO 2020**

- a) RALLY DE ASFALTO
- b) MONTAÑA

(Válidos todos os Grupos establecidos pola Federación Galega para este tipo de modalidades dentro do Campionato Galego de rallys de asfalto, terra e Montaña agás os grupos pertencentes as modalidades expresamente excluídas )

- **COPAS PROMOCIÓN 2020**

- **CAMPIONATO INTERNACIONAL. CAMPIONATO DE ESPAÑA DE RALLYS DE VELOCIDADE PARA VEHÍCULOS HISTÓRICOS 2020**

Campionato de España para pilotos de Rallys de velocidade para vehículos Históricos Pre 81
Campionato de España para pilotos de rallys de Velocidade para vehículos Históricos Pre 90

Quedan expresamente excluídas as seguintes modalidades:

- **CAMPIONATO NACIONAL 2020**

### RALLY


Todoterreo
Energías alternativas

### CIRCUÍTO DE VELOCIDADE

Off road
Karting
Circuíto velocidade nacional
Series FIA solicitadas pola RFEA.
Campionatos/copas FIA/probas internacionais

- **CAMPIONATO AUTONÓMICO GALEGO 2020**

RALLY mix
Autocross
Karting
Slalom
Todoterreo
2ª cat–outros eventos

	IV7EYXXIZEP5KUMWI7UFYIVMI	<b>Fecha y Hora</b>	13/07/2021 11:25:59	
<b>Normativa</b>	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.			
<b>Firmado por</b>	XOSÉ MANUEL BECERRA PARDO (RESPONSABLE SERVICIO, XEFE, COORDINADOR/A)			
<b>Url de verificación</b>	<a href="https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI">https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI</a>	<b>Página</b>	3/13	

#### CUARTO.- NÚMERO DE PREMIOS E CONTÍAS

O importe dos premios destinados a deportistas individuais piloto/a de rally de asfalto, terra e montaña e rallys históricos, anualidade 2021, que a Deputación Provincial pode conceder, estará comprendida no intervalo establecido na seguinte táboa:


IMPORTE MÍNIMO	IMPORTE MÁXIMO
300,00 €	2.500,00 €

Tendo en conta o orzamento previsto da actuación e o importe mínimo e máximo determinado por estas bases para cada un dos premios, o número máximo de premios a conceder será de vinte e cinco (25), de acordo co criterio de puntuación total –de maior a menor–, acadada por cada solicitante en base aos criterios de valoración do punto NOVENO da presente convocatoria.

Para a asignación do correspondente premio e dado que o número máximo de premios a conceder será de 25, o procedemento a seguir será o seguinte:

- Unha vez valoradas todas as solicitudes, o valor do punto en euros será o resultado de dividir o total do crédito orzamentario establecido para esta convocatoria (45.000,00 €) entre a suma total dos puntos acadados pola totalidade das solicitudes admitidas e completas de todos os/as deportistas solicitantes, de acordo cos criterios establecidos na presente convocatoria.
- En consecuencia, o importe do premio a conceder, no seu caso, derivará do resultado de multiplicar o valor en euros do punto, polos puntos totais conseguidos por cada solicitante, de acordo co baremo establecido.
- No caso de se producir remanentes unha vez atribuídos os importes de premios que no seu caso correspondan, procederase á distribución dos remanentes entre aqueles/as solicitantes que non acadasen o importe máximo establecido, en base á respectiva puntuación obtida, e de xeito consecutivo ata que se produza un remanente de 0 euros, e por tanto a atribución da totalidade do crédito orzamentario. A salvo en todo caso, de que o número de solicitudes formuladas e a aplicación dos importes máximos establecidos (2.500,00 euros), impida a distribución da totalidade do crédito disposto.
- O importe mínimo de 300,00 euros arriba indicado, vén establecido de acordo ao previsto no Plan Estratéxico de subvencións 2020–2022 (apartado 12.1). En consecuencia, non procederá a asignación de premio a aqueles/as solicitantes que non acrediten por certificación federativa e de acordo aos criterios establecidos, puntuación suficiente para que en aplicación do procedemento descrito anteriormente, acaden unha cantidade mínima de 300,00 euros.

Do total anterior, –vinte e cinco (25) premios –, resérvase expresamente unha porcentaxe mínima do 7% para premios para deportistas con capacidades diferentes. En consecuencia, establécese expresamente en dous (2) o número de premios asignadas ao colectivo de deportistas individuais

	IV7EYXXIZEP5KUMWI7UFYIVMI	<b>Fecha y Hora</b>	13/07/2021 11:25:59		
<b>Normativa</b>	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.				
<b>Firmado por</b>	XOSÉ MANUEL BECERRA PARDO (RESPONSABLE SERVICIO, XEFE, COORDINADOR/A)				
<b>Url de verificación</b>	<a href="https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI">https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI</a>	<b>Página</b>	4/13		

piloto/a solicitante con capacidades diferentes, de acordo cos criterios establecidos, e por orde de puntuación acadada de maior a menor, que de non seren cubertos, pasarían a asignarse entre o resto de solicitantes de acordo cos criterios establecidos nesta convocatoria.

A consideración das anteriores circunstancias deportivas debera acreditarse mediante certificación federativa da respectiva federación de deporte adaptado ou de persoas de capacidades diferentes.

#### QUINTO.- CONTÍA E CRÉDITO ORZAMENTARIO

A dotación orzamentaria total da presente convocatoria é de 45.000,00 € (corenta e cinco mil euros). Os presentes premios convócanse con cargo á aplicación orzamentaria 3410.481, segundo se recolle no Plan Estratéxico de Subvencións 2020-2022 dentro da liña 12.1 Deportes, da Área de Deportes, Artesanía e Deseño e Memoria Histórica.

#### SEXTO.- DOCUMENTACIÓN, FORMA E PRAZO DE PRESENTACIÓN DAS SOLICITUDES.

As solicitudes, subscritas polo interesado/a, irán dirixidas á Presidencia da Deputación Provincial de Lugo, mediante o modelo de solicitude aprobado a través de calquera das seguintes modalidades:

- a) De forma presencial, mediante a presentación da solicitude e da documentación anexa nos respectivos modelos aprobados na oficina de asistencia ao cidadán en materia de Rexistro da Deputación Provincial de Lugo.
- b) De forma telemática, a través do rexistro xeral da sede electrónica da Deputación de Lugo <https://sede.deputacionlugo.org>.
- c) Ou en calquera dos lugares previstos no artigo 16.4 da Lei 39/2015, de do 1 de outubro, do Procedemento Administrativo Común das Administracións Públicas.

Sempre que se realice a presentación de documentos separadamente da solicitude deberase indicar o número de rexistro de entrada e/ou de expediente, se dispón del, e o servizo responsable do procedemento.


No caso de que algún dos documentos que se van presentar de forma electrónica supere os tamaños máximos establecidos pola sede electrónica ou teña un formato non admitido pola sede electrónica, permitirase a presentación deste de forma presencial dentro dos prazos previstos.

Prazo para a presentación de solicitudes: **10 días hábiles** a contar desde o día seguinte á publicación do extracto da convocatoria no BOP de Lugo. Cada piloto deportista só poderá presentar **una única solicitude** (Anexo I) e **optar a un único premio**, independentemente do número de modalidades deportivas que practique.

As **solicitudes (Anexo I)** virán acompañadas da seguinte documentación:

- a) Copia do NIF do interesado/a (no caso de ser menor de idade na data de solicitude deberán achegar tamén a copia do NIF do pai/nai/titor/a e asinar esta persoa todos os anexos).
- b) **Certificado orixinal** de empadramento do/da solicitante no concello da provincia de Lugo correspondente.
- c) **Declaración responsable (ANEXO II)** na que se reflicta que:

	IV7EYXXIZEP5KUMWI7UFYIVMI	<b>Fecha y Hora</b>	13/07/2021 11:25:59
<b>Normativa</b>	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
<b>Firmado por</b>	XOSÉ MANUEL BECERRA PARDO (RESPONSABLE SERVICIO, XEFE, COORDINADOR/A)		
<b>Url de verificación</b>	<a href="https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI">https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI</a>	<b>Página</b>	5/13



- I. – Que non se atopa inhabilitado/a nin está incurso en ningunha das causas de prohibición sinaladas no artigo 13 da Lei 38/2003, de 17 de novembro, para obter a condición de beneficiario/a do premio.
  - II. Que en anos anteriores, de ter recibido unha bolsa/premio polo mesmo concepto da Deputación de Lugo, cumpriu coas obrigas inherentes ao mesmo/á mesma.
  - III. – Que non solicitou/recibiu outra axuda da Deputación de Lugo para a mesma finalidade.
  - IV. – Que se atopa ao corrente das súas obrigas tributarias (Axencia Tributaria estatal, coa facenda galega e Deputación Provincial de Lugo) e coa Seguridade Social, no momento da sinatura da presente declaración. E que se compromete a manter o cumprimento das devanditas obrigas durante o período inherente ao recoñecemento ou exercicio do dereito ao cobro do premio outorgado pola Deputación de Lugo.
  - V. Que non é debedor por resolución de procedencia de reintegro no momento da sinatura da presente declaración. E que se compromete a manter o cumprimento das devanditas obrigas durante o período inherente ao recoñecemento ou exercicio do dereito ao cobro do premio outorgado pola Deputación de Lugo.
  - VI. Que SI  NON  autoriza á Deputación Provincial de Lugo a facerme comunicacións a través do correo electrónico indicado na solicitude, para o procedemento de concesión de premios para deportistas individuais piloto/a de rally de asfalto, terra e montaña e vehículos históricos, anualidade 2021.
- d) **Documento bancario** acreditativo de conta bancaria, no que necesariamente figurará o/a deportista solicitante como titular e con data de expedición actualizada.

e) **DOCUMENTACIÓN DE CARÁCTER DEPORTIVO PARA A VALORACIÓN DA SOLICITUDE:**

**Certificación oficial** da respectiva federación que acredite:

- A posesión da correspondente licenza federativa oficial do piloto/a durante a anualidade 2020 e no momento da solicitude do premio (ano 2021).
- De acordo co establecido na presente convocatoria, acreditación na certificación federativa de que durante a tempada 2020, e de acordo ao previsto no punto TERCEIRO da presente convocatoria:

1.- Da participación, como mínimo, en unha (1) das seguintes probas oficiais federadas:


- Rally San Froilán
- Rally da Mariña Lucense
- Subida Á Pontenova

2.- Ou ben, de non cumprir o requisito anterior, a participación, como mínimo, en unha (1) proba de carácter oficial e federado, dentro das incluídas nos calendarios oficiais da Federación galega de automobilismo ou da Federación española de automobilismo.

3.- Resultados deportivos e datos deportivos detallados de:

- Resultados individuais e no seu caso participación, en probas federadas, indicando en cada caso, o rally, o campionato ao que pertence a respectiva proba, a clasificación individual, a clasificación por cada grupo, e calquera outro relativo aos méritos deportivos a valorar de

	IV7EYXXIZEP5KUMWI7UFYIVMI	<b>Fecha y Hora</b>	13/07/2021 11:25:59
<b>Normativa</b>	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
<b>Firmado por</b>	XOSÉ MANUEL BECERRA PARDO (RESPONSABLE SERVICIO, XEFE, COORDINADOR/A)		
<b>Url de verificación</b>	<a href="https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI">https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI</a>	<b>Página</b>	6/13



acordo cos criterios de valoración reflectidos no punto NOVENO desta convocatoria (ano 2020).

- outros elementos de valoración establecidos nesta convocatoria, etc, relativos ao/á deportista individual piloto/a; copiloto/a; solicitante (ano 2020).

Para todos aqueles elementos de puntuación e relativos aos criterios de valoración que non se reflectan expresamente na certificación federativa e non permitan a acreditación das condicións establecidas nos respectivos criterios de valoración e no correspondente cadro de valoración, procederá a asignación de oficio de 0 puntos.

O período de valoración de resultados será o comprendido desde o 1 de xaneiro de 2020 e o 31 de decembro de 2020, de acordo cos criterios, probas e elementos de valoración establecidos expresamente no punto NOVENO desta convocatoria. O mencionado certificado debera estar asinado pola respectiva federación como acreditación de que os méritos deportivos alegados son certos. Non se considerará válido ningún certificado cuberto á man ou con indicacións e/ou modificacións realizadas á man.

**Outra documentación:** Acreditación documental da pertenza a unha escudaría da provincia de Lugo, mediante declaración responsable da respectiva escudaría.

Os anexos que figuran na documentación requirida estarán a disposición das persoas solicitantes na páxina web da Excm. Deputación Provincial de Lugo, [www.deputacionlugo.org](http://www.deputacionlugo.org)

A presentación das solicitudes supón a aceptación incondicional das presentes bases e das condicións, requisitos e obrigas contidas nelas.

A concorrencia ao proceso de concesión dos premios implicará a manifestación tácita do consentimento inequívoco ao tratamento de datos de carácter persoal e a súa publicación de acordo co previsto no Regulamento (UE) 2016/679 do Parlamento Europeo e do Consello do 27 de abril de 2016, relativo á protección das persoas físicas no que respecta ao tratamento de datos persoais e á libre circulación destes datos e polo que se deroga a Directiva 95/46/CE.

A finalidade da recollida e tratamento dos datos persoais será estritamente a xestión de tramitación do expediente correspondente.


#### SÉTIMO.- PROCEDEMENTO

Unha vez presentada a solicitude, os servizos técnicos da Área de Deportes, Artesanía e Deseño e Memoria Histórica da Deputación de Lugo, revisarán a documentación achegada.

Se a solicitude non reúne os datos esixidos na convocatoria ou calquera dos previstos no artigo 66 da Lei 39/2015, de 1 de outubro, do procedemento administrativo común das administracións públicas (LPACAP) requiriráselle á persoa interesada, de conformidade co establecido no artigo 68 desta, para que nun prazo de 10 días hábiles emende as faltas ou presente os documentos preceptivos, con indicación de que se transcorrido o prazo non o fixeran, terase por desistido da súa petición, logo de resolución que deberá ser ditada nos termos previstos no artigo 21.

A non presentación da documentación precisa ou a omisión de datos de xeito total ou parcial terá como consecuencia a non valoración dos méritos dentro dos criterios establecidos que non estean suficientemente xustificadas.

	IV7EYXXIZEP5KUMWI7UFYIVMI	<b>Fecha y Hora</b>	13/07/2021 11:25:59
<b>Normativa</b>	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
<b>Firmado por</b>	XOSÉ MANUEL BECERRA PARDO (RESPONSABLE SERVICIO, XEFE, COORDINADOR/A)		
<b>Url de verificación</b>	<a href="https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI">https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI</a>	<b>Página</b>	7/13



#### OITAVO.- AVALIACIÓN DAS SOLICITUDES

A Área de Deportes, Artesanía e Deseño e Memoria Histórica desta Deputación Provincial de Lugo será a encargada de instruír e tramitar os respectivos expedientes. Para tal efecto constituirase unha Comisión de Avaliación que se encargará da valoración das solicitudes presentadas e formulará unha proposta a través do órgano instrutor consonte ao disposto no Artigo 24 da Lei 38/2003, do 17 de novembro, Xeral de Subvencións.

A devandita Comisión estará composta por tres funcionarios da Deputación de Lugo, a Sra. Interventora e Sr. Secretario Xeral da Deputación Provincial.

As regras de funcionamento da Comisión serán as recollidas na Lei 40/2015, do 1 de outubro, de réxime xurídico do sector público.

Os funcionarios da Deputación que se integrarán na sinalada Comisión de avaliación serán designados por Resolución da Presidencia, que precisará quen ostentará a Presidencia.


Revisados os expedientes e completados, de ser o caso, remitiranse á Comisión de Valoración para que esta proceda á súa avaliación e informe, no que se concretará o resultado da avaliación efectuada.

#### NOVENO.- CRITERIOS DE VALORACIÓN

##### A) RESULTADOS INDIVIDUAIS

CLASIFICACIÓN XERAL ABSOLUTA SOLICITANTE POR CADA PROBA DISPUTADA Rallys asfalto/Terra e Montaña/rallys históricos				CLASIFICACIÓN XERAL SOLICITANTE POR CADA PROBA DISPUTADA Por Grupo y Copas Federadas rallys asfalto/Terra e Montaña rallys históricos			
POSICIÓN	Proba Campionato Internacional	Proba Campionato Estatal	Proba Campionato Galego	POSICIÓN	Proba Campionato Internacional	Proba Campionato Estatal	Proba Campionato Galego
1º	50	30	20	1º	40	29	17
2º	42	25	18	2º	32	24	15
3º	36	21	16	3º	26	20	14
4º	32	19	14	4º	22	18	13
5º	29	17	13	5º	19	16	12
6º	27	16	12	6º	17	15	11
7º	26	15	11	7º	16	13	10
8º	25	14	10	8º	15	11	9

	IV7EYXXIZEP5KUMWI7UFYIVMI	Fecha y Hora	13/07/2021 11:25:59
Normativa	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
Firmado por	XOSÉ MANUEL BECERRA PARDO (RESPONSABLE SERVICIO, XEFE, COORDINADOR/A)		
Url de verificación	<a href="https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI">https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI</a>	Página	8/13





9°	23	13	9	9°	13	10	8
10°	22	12	8	10°	12	8	7
11° a 16°	10	6	5	11° a 16	10	5	4
17° a 25° (ambos os dous incluídos)	8	5	3	17° a 25° (ambos os dous incluídos)	7	4	2
<b>Participación (de posto 26° en diante)</b>	5	3	1	<b>Participación (de posto 26° en diante)</b>	5	3	1

#### CLASIFICACIÓN XERAL INDIVIDUAL CAMPIONATO GALEGO 2020

1º	95 puntos
2º	80 puntos
3º	75 puntos
4º	60 puntos
5º	58 puntos
del 5º al 16º	45 puntos
del 16º al 30º	35 puntos

#### PARTICIPACIÓN EN PROBAS DO CAMPIONATO GALEGO DISPUTADAS NA PROVINCIA DE LUGO

A valoración deste subapartado será complementaria e compatible coa que puidese corresponderlle nos apartados anteriores.

PROBAS	PUNTUACIÓN
Rallye San Froilán Rallye da Mariña Lucense Subida a Chantada Subida á Pontenova	8 puntos por cada proba disputada

#### OUTRAS VALORACIÓNS

CRITERIO	PUNTUACIÓN
<b>B)</b> Solicitante con capacidades diferentes ou con copilot@s con capacidades diferentes (5 puntos por cada proba federada durante o ano 2020. Máximo 15 puntos por solicitante)	5 puntos (Por cada proba disputada)
<b>C)</b> Solicitante muller ou copiloto muller	7 puntos (Por cada proba disputada)
<b>D)</b> Por pertencer a algunha escudaría da provincia de Lugo durante a	11 puntos

tempada 2020	
<b>E) Solicitante con idade comprendida entre os 18 e 30 anos (a data 31 de decembro de 2020)</b>	12 puntos

A valoración a aplicar nos distintos apartados deberá ser, no seu caso, acreditada con certificados oficiais ou no seu caso documento acreditativo.

- No caso de se producir empate, terase en conta a mellor puntuación total obtida por cada solicitante en cada un dos seguintes apartados e pola seguinte orde:

- Sumatorio apartado A)
- Puntuación apartado B )
- Puntuación apartado C)
- Puntuación apartado D)
- Puntuación apartado E)

Procederá a asignación dos puntos sempre que a certificación federativa acredite o logro do respectivo posto na correspondente proba, e no seu caso, a participación do solicitante na respectiva proba. En consecuencia, non procederá a asignación de puntos, de acordo aos criterios establecidos, nos casos nos que non se acrediten tales circunstancias, e por tanto, non procederá a valoración e asignación de puntos para os casos nos que só se producise a inscrición do/da solicitante na respectiva proba, pero non se acreditase a participación efectiva nela.

#### DÉCIMO.-ACORDOS DE RESOLUCIÓN E NOTIFICACIÓNS

##### – Acordo de resolución provisional:


1. O órgano instrutor, á vista do expediente e do informe da Comisión de valoración, efectuará a proposta de resolución provisional, motivada, á Xunta de Goberno na que se expresará o solicitante ou solicitantes para os que se propón a concesión de premios e a súa contía, especificando os criterios de valoración utilizados na avaliación, así como, de ser o caso, a desestimación do resto de solicitudes. O acordo de resolución provisional será notificada aos interesados, concedéndolles un prazo de dez días para presentar alegacións.

Ao abeiro do disposto no artigo 45 da Lei 39/2015 de 1 d outubro do Procedemento Administrativo Común das Administracións Públicas, o acordo de resolución provisional do procedemento non será obxecto de notificación individualizada senón que será obxecto de notificación por medio de publicación no BOP e na paxina web da Deputación de Lugo [www.deputacionlugo.org](http://www.deputacionlugo.org).

2. Finalizado, no seu caso, o trámite de audiencia sen formularse alegacións, o acordo de resolución provisional terá carácter definitivo e procederase á publicación no BOP e na paxina web da Deputación de Lugo [www.deputacionlugo.org](http://www.deputacionlugo.org) do anuncio correspondente para o seu coñecemento e efectos oportunos.

##### – Acordo de resolución definitiva:

	IV7EYXXIZEP5KUMWI7UFYIVMI	<b>Fecha y Hora</b>	13/07/2021 11:25:59
<b>Normativa</b>	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
<b>Firmado por</b>	XOSÉ MANUEL BECERRA PARDO (RESPONSABLE SERVICIO, XEFE, COORDINADOR/A)		
<b>Url de verificación</b>	<a href="https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI">https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI</a>	<b>Página</b>	10/13



1. No caso de presentarse alegacións no trámite de audiencia, o órgano instructor, tras examinar as mesmas, formulará a proposta de resolución definitiva na que se expresará o solicitante ou solicitantes para os que se propón a concesión de premios e a súa contía, especificando os criterios de valoración utilizados na avaliación e, no seu caso, a desestimación do resto de solicitudes.

2. En base á proposta do órgano instructor a Xunta de Goberno resolverá o procedemento.

Ao abeiro do disposto no artigo 45 da Lei 39/2015 de 1 de outubro, do Procedemento Administrativo Común das Administracións Públicas, o acordo da resolución definitiva do procedemento non será obxecto de notificación individualizada senón que será obxecto de notificación por medio de publicación no BOP e na paxina web da Deputación de Lugo [www.deputacionlugo.org](http://www.deputacionlugo.org).

3. O prazo máximo para resolver e notificar a resolución do procedemento non poderá exceder de tres meses. O prazo computarase a partir do día en que remata o prazo establecido na convocatoria para presentalas.

4. Entenderase desestimada a solicitude, cando transcorrido devandito prazo non recaese resolución expresa, de conformidade co previsto no artigo 24 da Lei 39/2015, sen prexuízo da obrigaón de resolver expresamente que impón o artigo 21 do mesmo texto legal. A resolución expresa posterior ao vencemento do prazo adoptarase pola Administración sen vinculación algunha ao sentido do silencio, de conformidade co preceptuado polo artigo 24.3. b) da Lei 39/2015.

#### UNDÉCIMO.- PAGAMENTO DOS PREMIOS

O pagamento dos premios farase nun único pagamento previa proposta efectuada polo Deputado-delegado de Deportes, e tras un informe do xefe de servizo de Deportes da Área de Deportes, Artesanía e Deseño e Memoria Histórica, no que se fará constar a existencia e custodia dentro da Unidade Administrativa, da documentación requirida aos solicitantes no punto sexto das Bases e achegar copia da documentación contida na base sexta, puntos a), c) e d) ao Servizo de Intervención.

Non haberá posibilidade de efectuar pagamentos anticipados e aboamentos a conta do premio concedido.

Procederase a respectiva retención de IRPF de cada un dos premios concedidos, segundo a normativa vixente.


#### DUODÉCIMO.- OBRIGAS DOS BENEFICIARIOS/AS

Os beneficiarios/as dos premios están obrigados a facilitar a información que lles sexa requirida pola Intervención Xeral da Deputación de Lugo, o Tribunal de Contas e o Consello de Contas, no exercicio das funcións de fiscalización e control de destino das referidos premios.

Cumprir todas as normas establecidas nos apartados anteriores. Publicitar a súa condición de receptor de premios da Deputación de Lugo nas competicións e actividades deportivas nas que participe, a través da indumentaria ou en calquera outro elemento susceptible de portar imaxe e colaborar na promoción do deporte e da actividade física na provincia se así se requirise.

#### DÉCIMO TERCEIRO.- RENUNCIA, REVISIÓN E REINTEGRO DE CANTIDADES.

	IV7EYXXIZEP5KUMWI7UFYIVMI	<b>Fecha y Hora</b>	13/07/2021 11:25:59
<b>Normativa</b>	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
<b>Firmado por</b>	XOSÉ MANUEL BECERRA PARDO (RESPONSABLE SERVICIO, XEFE, COORDINADOR/A)		
<b>Url de verificación</b>	<a href="https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI">https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI</a>	<b>Página</b>	11/13



Os premios concedidos deberán devolverse ou reintegrarse nos seguintes casos:

- Por obtelos falseando as condicións requiridas
- Por non aplicalos aos fins para os que foron concedidos
- Por incumprir a persoa beneficiaria as obrigas asumidas e as condicións fixadas nestas bases

A renuncia ao premio por parte do beneficiario/a, unha vez iniciado o goce deste, deberalle ser comunicada mediante o correspondente escrito ao Presidente da Deputación de Lugo.

De se acreditar as circunstancias indicadas ou de se producir a renuncia, dará lugar á devolución das cantidades percibidas e así mesmo á esixencia do xuro de mora correspondente dende o momento do pagamento do premio ata a data na que se acorde a procedencia do reintegro, ou a data na que o debedor ingrese o reintegro se é anterior a esta, de conformidade con canto se establece no artigo 16 da Ordenanza Xeral de subvencións desta Deputación, no artigo 34.3 da Lei 38/2003, do 17 de novembro, Xeral de subvencións e no artigo 31.5 da Lei 9/2007, do 13 de xuño de Subvencións de Galicia, no prazo que establece o Regulamento Xeral de Recadación.

A solicitude dos premios implica o coñecemento e aceptación do disposto nestas bases.

#### DÉCIMO CUARTO.- PLAN DE AUDITORÍA

A efectos de executar o control financeiro e a fiscalización plena posterior en materia de subvencións pola Intervención Provincial levarase a cabo un Plan de Auditoría anual que indique o alcance da comprobación, tanto a mostra e forma de selección, como as principais actuacións a comprobar, que como mínimo serán as seguintes:

- Comprobar a execución polos beneficiarios das actividades ou investimentos subvencionables e o cumprimento da finalidade para a que foron concedidas.
- Verificar a existencia e custodia polo beneficiario das facturas, certificacións ou documentos xustificativos da subvención.
- Verificar a data de pago dos devanditos documentos.

Para a execución do Plan de Auditoría, a Intervención Provincial pode, en caso de insuficiencia de medios propios dispoñibles, recabar a colaboración de empresas privadas de auditoría.


#### DÉCIMO QUINTO.- RÉXIME XURÍDICO

Para todos aqueles extremos non previstos nestas bases da convocatoria, aplicarase a Lei 38/2003, de 17 de novembro, xeral de subvencións, e con carácter supletorio a Lei 39/2015, do 1 de outubro, do procedemento administrativo común das administracións públicas; o RD 887/06, de 21 de xullo polo que se aproba o regulamento de subvencións; a Lei 9/2007, de 13 de xuño, de subvencións de Galiza; a Ordenanza xeral de subvencións da Excm. Deputación Provincial de Lugo, aprobada por acordo do Pleno de data 29 de decembro de 2020 (BOP núm. 82 de 13-04-2021); o Regulamento Orgánico da Deputación; as Bases de execución do orzamento e a normativa sobre delegación de competencias e atribucións dos órganos de goberno da Deputación vixentes no momento da concesión, así como a demais normativa vixente que resulte de aplicación.

Autorízase ao órgano competente da Deputación de Lugo para ditar, no ámbito das súas competencias, as resolucións precisas para o desenvolvemento destas bases da convocatoria.

#### DÉCIMO SEXTO.- RÉXIME DE RECURSOS

	IV7EYXXIZEP5KUMWI7UFYIVMI	<b>Fecha y Hora</b>	13/07/2021 11:25:59
<b>Normativa</b>	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
<b>Firmado por</b>	XOSÉ MANUEL BECERRA PARDO (RESPONSABLE SERVICIO, XEFE, COORDINADOR/A)		
<b>Url de verificación</b>	<a href="https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI">https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI</a>	<b>Página</b>	12/13



As resolucións de concesión ou denegación de premios poñerán fin a vía administrativa, podendo interperse contra as mesmas, recurso de reposición, no prazo dun mes a contar desde o día seguinte ao da publicación no BOP da referida resolución, ou recurso contencioso-administrativo ante o Xulgado do Contencioso Administrativo de Lugo, no prazo de dous meses contados desde o día seguinte ao da publicación no BOP da resolución de concesión ou denegación de premios, e na forma prevista na lexislación reguladora da devandita xurisdición, e en todo caso, sen prexuízo de que se poida interpoñer calquera outro recurso que se estime procedente.

	IV7EYXXIZEP5KUMWI7UFYIVMI	<b>Fecha y Hora</b>	13/07/2021 11:25:59
<b>Normativa</b>	Este documento incorpora firma electrónica reconocida de acuerdo a la ley 6/2020, de 11 de noviembre, reguladora de determinados aspectos de los servicios electrónicos de confianza.		
<b>Firmado por</b>	XOSÉ MANUEL BECERRA PARDO (RESPONSABLE SERVICIO, XEFE, COORDINADOR/A)		
<b>Url de verificación</b>	<a href="https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI">https://etramite.deputacionlugo.org/verifirma-lugo/code/IV7EYXXIZEP5KUMWI7UFYIVMI</a>	<b>Página</b>	13/13

